

Kahlolo ya Lekgotla la Molao wa Motheo e mabapi le 'motheo wa motjha wa phetiso' le sekoloto sa kuno e entsweng ka mora thekiso ya dithoto popehong e rarahaneng ya Thraste

Tshwane, 08 Mphalane 2024 – Khomishenara ya Ditshebeletso tsa Lekgetho tsa Afrika Borwa (SARS) o ananetse kahlolo e dihlweng ka la 02 Mphalane 2024 ke Lekgotla la Molao wa Motheo tabeng e mabapi le *The Thistle Trust* mmoho le Khomishenara ya SARS. Taba ena e ne e le mabapi le tshebetso ya 'motheo wa motjha wa phetiso' mabapi le kuno e entsweng ka mora thekiso ya dithoto ha e abelwa popeho e rarahaneng ya Thraste ka sona selemo seo sa lekgetho. Lekgotla la Molao wa Motheo le dihile kahlolo e dumellanang le kopo ya SARS e mabapi le melao ya sekoloto sa molefalekgetho, e leng *Thistle Trust*.

The Thistle Trust, e leng thraste e phelang ya boikgethelo, e bile mounalomeo wa Dithraste tse leshome tsa kgahleho. Ka dilemo tsa lekgetho tsa 2014, 2015 le 2016, Dithraste tsa kgahleho di ile tsa fumana kuno e entsweng ka mora thekiso ya dithoto ka mora ho lesa dithoto tsa tsona tsa tjelete mme tsa abela *Thistle Trust* merokotso ena, mme yona ya abela baunamolemo merokotso ena ka tsona dilemo tseo tsa lekgetho. Thraste ena ha ya ka ya tsebahatsa kuno ena e entsweng ka mora thekiso ya dithoto dikgutlisong tsa yona tsa lekgetho la lekeno, e feela, baunamolemo ba yona ba ile ba tsebahatsa kuno ena e entsweng ka mora thekiso ya dithoto mme ba lefa lekgetho la kuno e entsweng ka mora thekiso ya dithoto hodima kuno ena ya bona.

SARS e ile ya ntsha hlahlobo kgahlano le *Thistle Trust* bakeng sa dilemo tsena tse boletsweng ka hodimo mabapi le kuno ena e entsweng ka mora thekiso ya dithoto e ileng ya hlomela *Thistle Trust*. SARS e bile ya fana ka kotlo ya 50% bakeng sa tsebahatsokgaello mme ya batla hore *Thistle Trust* e lefe tswala hodima sekoloto se morao sa lekgetho. *The Thistle Trust* e ngongoretse hlahlobo eo hobane e re yona jwalo ka *Thistle Trust* e ne e mpa e le motjha wa phetiso ya ho tsamaiswa ha dikuno ho leba ho baunamolemo bao ho ya ka molao wa tlwaelo le wa Molao wa Lekgetho la Lekeno ka nako eo, di neng di tla kgethiswa ha feela di le matsohong a baunamolemo. Ka mora moo ngongoreho eo e ile ya hanwa.

Thistle Trust e ile ya leba Lekgotleng la Lekgetho le ileng la dumellana le yona. SARS e ile ya ipiletsa Lekgotleng le Phahameng la Maipiletso (SCA). SCA e ile ya behella ka thoko taelo ya Lekgotla la Lekgetho tabeng e neng e le mabapi le sekoloto sa lekgetho mme ya dumela hore motheo wa motjha wa phetiso o feela o ama *Thistle Trust*, mme ka hona Thraste ena e jara boikarabelo ba lekgetho la kuno e entsweng ka mora thekiso ya dithoto. Le ha ho le jwalo, le ile la ananela ngongoreho ya *Thistle Trust* tabeng e neng e le mabapi le kotlo ya tsebahatsokgaello. Ha ho ditjeo tse ileng tsa laelwa hore di leshwe.

Thistle Trust e ile ya ipiletsa ho Lekgotla la Molao wa Motheo tabeng e mabapi le sekoloto sa yona sa lekgetho. Kahlolo e bongateng e ile ya qhelela ka thoko boipiletso ba *Thistle Trust* tabeng e mabapi le sekoloto sa yona sa lekgetho. Kopo ya dipehelo ya SARS e mabapi le ho etsa boipiletso tabeng e mabapi le ho beha kotlo ya tsebahatsokgaello le yona e ile ya qhelelwa ka thoko ka ha Lekgotla la Molao wa Motheo le fumane hore sena se ne se se molemong wa toka hore lekgotla le dule jwalo ka lekgotla ka ha taba ya pele le ya ho qetela e le ho sekaseka taba ya molao e ke keng ya ama sephetho sa boipiletso. Pele le etsa qeto ena, lekgotla le fumane hore ntlhakemo ya lekgetho ya *Thistle Trust* ke entsweng ho bapa le keletso ya molao mme ha se feela hore e ne e utlwahala, empa ebile ya ananelwa ke kahlolo ya Lekgotla la Lekgetho. Ho feta moo, ngangisano ya SARS e mabapi le hore ho bile le ho hloka tlhokomelo nakong eo ho neng ho tlatswa kgutliso e tla etsa hore SARS e be maemong a ho ba bolaodi bo le bong feela bo kgonang ho toloka melao ya lekgetho. Lekgotla le tswetse pele hore ditjeo tsa lekgotla tabeng e mabapi le kotlo ya tsebahatsokgaello di jarwe ke SARS. SARS e hlompha taelo ya lekgotla mme e tla tswela pele ho sekaseka motjha oo ka ona dikotlo tsa ditsebahatsokgaello di thehilweng hodima ona le ho fana ka tlhakisetsa e utlwahalang le ho feta mabapi le sena.

Khomishenara ya SARS, Mong. Edward Kieswetter o boletse hore "kahlolo ena e tiisa hore qeto ya SARS ya hore sekoloto sa lekgetho se jarwe ke Thraste ya popeho e rarahane e ne e le e nepahetseng. Ho tlatsetsa moo, kahlolo ena e boela e fana ka tlhakisetsa le nnetefaletsa mabapi le ka moo kuno e entsweng ka mora thekiso ya dithoto eo Thraste e e abelang baunamolemo e lokelang ho sebetswa kateng ke Batshepuwa tlasa boemo bo tshwanang".

Kahlolo e felletseng ya [Thistle Trust v Commissioner for the South African Revenue Service \(concourt.org.za\)](https://concourt.org.za).

Ho fumana lesedi le fetang lena, ka kopo ikopanye le SARSMedia ho SARSMedia@sars.gov.za.